

ՅԱՅՏԱՐԱՐՈՒԹԻՒՆ

ԼԱԶԱՐԵԱՆ ՃԵՄԱՐԱՆԻ ԱՐԵՒԵԼԵԱՆ ԼԵԶՈՒԱՅ, ՄՈՍԿՈՒԱ.

ՊԵՏ. ԽՈՐՀՐԴ. ԳԱՆԻԷԼ ԳԱՐԻԷԼԵԱՆ ՔԱՆԱՆԵԱՆԻ ՄՐՅԱՆԱ-
ԿԻ ԲԱՐՁՐԱԳՈՅՆ ՀԱՍՏԱՏՈՒԱԾ ԿԱՆՈՆԱԳՐՈՒԹԵԱՆ 7-րորդ յօդուա-
ծի հիմամբ Լազարեան ձեմարանի Մասնագիտական Գոտարան-
ների Խորհուրդը իր՝ 1910 թ. նոյեմբերի 5-ին կայացրած նիս-
տում՝ վճռեց յայտարարելի գիտութիւն մասնագէտների առա-
ջնկայ երկու նիւթը՝ երկու մրցանակի համար, մէկը՝ 1000 և
միւրը 700 ռուբլի:

Ա. Ժողովածու [բացատրական առաջաբանով] ցայժմ
ծանօթ բոլոր հին-հայկական արձանագրութիւն-
ների՝ մինչև ժե. դարը (Corpus inscriptionum Armenica-
rum), որոնք գտնուում են Ռուսաց Հայաստանի սահման-
ներում և հանուած են լուսանկարով և կամ խնամքով
ընդօրինակուած իսկականից, — նոյն նիւթի մասնակի կա-
տարումը՝ այն է Ռուսաց Հայաստանի որևէ մի նշանաւոր
և կամ մի քանի գաւառի արձանագրութիւնների
լիակատար ժողովածուն կարող է պարգևատրուել նշանա-
կաւ մրցանակի մի մասովը:

Բ. «Կանոնագիրք» կամ եկեղեցական ժո-
ղովների (Հայոց, երեք տիեզերական և վեց տեղական)
որպէս և առաքելոց և ընդհանուր քրիստոնէական ու հայ
եկեղեցւոյ հարց կանոնների հայ բնագիրները —
Այդ բնագիրները պէտք է լինին արգիւնք հնագոյն և
ընտելագոյն գրչագիր օրինակների հետազօտութեան՝ տար-
բեր ընթերցուածքների ճիշտ և մանրամասն ցուցմամբ
ևս և՛ որչափ հնար է, համեմատութեամբ՝ ուր հարկ լինի,
յոյն և ասորի բնագիրների հետ:

Աշխատութիւնները կարող են ներկայացուել՝ հայե-
րէն կամ ռուսերէն, ֆրանսերէն կամ գերմաներէն:

Լաւագոյն աշխատութիւնը յիշած ամեն մի նիւթի
մասին կը պարգևատրուի Խորհրդի կողմից — առաջին հա-
մար՝ 1000 ռուբլի (աւելի քան 2500 ֆրանք) և երկրոր-

դի համար՝ 700 ռուբլի (մօտ 1800 ֆրանք) մրցանակով:

Եթէ այս նիւթերից որեւէ մէկի մասին ներկայացրած աշխատութիւններից երկուսը հաւասար արժանաւորութիւն ունենան, Խորհուրդը կարող է բաժանել մրցանակը երկուսի հեղինակների մէջ:

Աշխատութիւնները պէտք է ներկայացուեն Լազարեան Ճեմարան 1913 թ. Օգոստոսի 1-ից ոչ ուշ:

Վերատեսուչ ձեմարանի՝ Վ. Ս. ՄԻԼԼԵՐ:

Քարտուղար Խորհրդին՝ Ա. ԽԱՍԱՆՈՎ:

13 Նոյեմբերի, 1910 թ.

Մոսկուա:

Այս 1911 թուին Արարատը կը հրատարակուի մանկավարժական ճոխ բաժնով: Կաշխատակցեն—Pessimist, Ճեմարանի մանկավարժութեան դասատու պ. Գ. Էդիլեանց, որոնց յօդուածները տպւում են արդէն յունվար ամսից սկսած, Օլթեցեան և ուրիշները:

Խնդրում ենք ուսուցիչներից և դպրոցական գործով հետաքրքրւողներից գրել յօդուածներ մեր դպրոցների թէ վարչական և թէ մանկավարժական երևոյթների մասին: Ուսուցիչները, որոնք այնքան մօտ են ժողովրդին, կարող էին ազգագրական և տեղագրական հում նիւթեր կամ ուսումնասիրութիւններ տալ. այդպիսի յօդուածներն ևս ուրախութեամբ կը տպագրուեն, յօդուածագիրների ցանկութեան համեմատ, չափաւոր վարձատրութեամբ կամ վարձատրութեան փոխարէն յօդուածների արտատպութեամբ 4—600 օրինակ, որից 50 օրինակ դուրս գալով որպէս գրքաքննիչին, Մայր Աթոռիս տպարանին, գրատանը և զանազան հաստատութիւններին հասցնելու համար, մնացած օրինակներ կը յանձնուեն յօդուածագիրներին:

8 երեսից պակաս պատահական յօդուածները, թըղթակցութիւնները, պատասխաններն ու քնդդիմախօսութիւնները չեն վարձատրուում:

Խմբ.